

詠物詩

謝宗可

上




謝宗可

瞿宗吉

張木威

三家詠物



老山管原
梅屋松井三先生校閱
詩禪梁



海
宗
詠
物



三家詠物詩敘

北山逸老撰

詩者莫妙於詠物莫難於詠物凡六合之間
無不皆物焉造物者物之大者也人物者物
之靈者也品物者物之小者也器物者物之
用者也異物者君子不貴者也玩物者小人
喪志者也尤物者物之移人者也恠物者物
之愕人者也神物者物之使人前知者也動
物者物之有氣有情有知者也植物者有氣

無情無知者也詩以詠物物之有心我能討
度之言其意說其志物不有心我能竭其情
盡其態凡天地間物不能遁其筆端之鼓儻
矣是詩人比興之妙自詩三百篇以降至于
李唐趙宋世世有詠物詩而寓巧趣於于斯
寄才力於于斯至若使不能言者能言不能
動者能動轉非情為有情起死物為活物矣
吾聞賦事虛而易譬猶畫寫鬼神詠物實而

難譬猶畫描人物抑難矣以故遂別一種體
裁至元殊為盛先是無輯編詠物詩為一篇
書者也其為之昉于元人陸都刺謝宗可繼
之明有瞿宗吉清有張木威咸詠物軌範也
吾門人美濃菅原冰清精于學善于詩為人
溫潤敦厚其中還洒洒落落如光風霽月與
仙臺詩入松井長民美濃詩人梁伯兔相善
長民伯兔亦皆洒洒落落不羈乎塵俗矣三

子於詩殊好詠物嘗得合刻謝瞿張三家詠物善本與友人詩佛淡齋綠陰枝離數回遂命剞劂氏今茲文化庚午杪冬既卒業以數于世其功於詠物邃矣醞矣博矣清矣其作詩蓋亦類此云

菱湖卷大任書

華霞年鑄

詠物詩諷託為上肖形次之或尚渾含或尚纖細唐宋諸家集中間有之如老杜之詠孤雁憑物作興以洩感激悲憤之情深得於諷託者也其餘李嶠以下鄭鷓鴣謝胡蝶氣象渾含皆詠物之選也其續詠物詩為一書者昉於元謝宗可謝詩刻畫取善摹寫形色繼而效之者明瞿宗吉清張木威亦各命新題愈出愈巧雖瑣瑣雜玩之物亦收之筆頭而不遺其詩雖互有軒輊皆得於肖形者也要之逞才鬪工擅勝一時能驅使萬物繪聲繪影至令夫天地間無情之物盡獻其情態讀之覺有筆歌墨舞之樂則吾竊有

取諸三家之織細焉。曩日詩佛綠陰淡齋諸子校訂
三家詠物詩功竣未刻。己巳之春余偶來自松島重
參吟社。竟上之木。以貽同好。庚午至日梅屋輔題。

詠物家傳神為上。傳形為下。運思罔象。求諸無何有
之鄉。躍然以出。故其指趣遠。光彩深。唐人近得三昧
間。多嘽緩之調。宋元以下。其細已甚。鼓鐘之音。謝
宗可。元人也。獨以空靈駘蕩。擅勝一時。瞿宗吉間代
爭場。托意多。而取意寡。軒輊有分。亦其亞也。余盱衡
往作。折肱久之。求其美備。廣踰百篇者。不少。概見頃
從名山搜得。二家舊本。中多根銀之譌。力為校正。補
其缺。亾乃甲乙而合之。會吾木成。師復以百二十五
首。機軸各分。鼎足可埒。遂合訂之。為三家詠物詩。噫
文人若心期于必傳。而傳者幾人。况詠物其尤難者。

乎或得之一知半見沾沾自足謂為絕唱者又何異
宋人之燕石也茲纍纍三百篇輝映後先亦足以紀
江左之風流已寓內才人專工不勘無寧以余之少
所見也而多怪矣乎時康熙五十三年歲在閏逢敦
牂月在中呂丙子拙嘉興賀光烈叙

詠物詩總目

元金陵謝宗可集 一百六首

明錢塘瞿佑宗吉集 一百首

清嘉興張劭博山集 一字木威 一百二十五首

詠物詩

元 謝宗可 著

睡燕

補巢銜得落花泥，困倚東風倦翼低。
金屋晝閑隨蝶化，雕梁春靜怕鶯啼。
魂飛漢殿人應老，夢入烏衣路欲迷。
却被捲簾人喚醒，小橋流水夕陽西。

睡蝶

不越游蜂上下，狂閑舒倦翅。
怯尋芳，花房舞罷春酣重。
蕙徑栖遲，曉夢長貪困。
有誰憐褪粉，返魂無力去。
偷香漆鬪，傲吏忘形久。
莫到蘧蘧枕上忙。

紙帳

清懸四壁剡溪霜，高臥梅花月半床。
幽窺有天春不老，瑤臺無夜雪生香。
覺來虛白神光發，睡去清閑好夢長。
一枕總無塵土氣，何妨留我白雲鄉。

紙衾

霜搗谿藤一幅新，醉來高臥付詩人。
松床夜煖雲生席，蕙帳香融雪滿身。
翡翠多情嫌寂寞，鴛鴦無分樂清貧。
枕邊不作紅塵夢，睡足梅花玉洞春。

茶筴

此君一節瑩無瑕，夜聽松聲漱玉華。
萬縷引風歸蟹

眼半瓶飛雪起，龍牙香凝翠髮雲生。
脚濕滿蒼髯浪捲花到手，纖毫皆盡力多應。
不負玉川家。

酒旗

水村山郭酒初香，紵影青青字一行。
墟畔低懸花露濕，擔陰斜揭柳風涼。
指揮意馬衝愁陣，搖曳心旌入醉鄉。
惆悵步兵招不起，半竿空自舞斜陽。

詩瓢

兩蔓霜條老翠壺，吟邊不是酒胡盧。
剖開架上輪囷玉，著盡胸中錯落珠。
滿貯苦心留宇宙，深藏清氣付江湖。
誰家半腹張千首，為問山人果在無。

筆陣

投策登壇拜墨卿，霜毫不用鐵為兵。戰酣已拔三都壘，奏捷還攻五字城。怒捲龍蛇雲霧泣，長驅風雨鬼神驚。攀蟾獨掃千軍退，功奪中書第一名。

雁賓

地北天南萬里身，驚寒昨夜過邊城。暫隨沙漠秋來夢，留得湘江社後春。水宿雲飛同是客，風嘹月唳自相親。荒汀斷渚年年路，應認蘆花作主人。

蝶使

頰紅降紫繞芳菲，催就東風錦萬機。採訪有心香外

舞指揮無計日邊飛，曉穿竹徑應持節。暖駐花房欲繡衣，可解黃花驚別夢。折梅休恨寄難歸。

雁字

蘆花月底寄秋情，陣影南飛勢不停。一畫寫開湘水碧，半行草破楚天青。雲殘冷印蟲書迹，烟墨濃摹鳥篆形。題盡子卿心事，苦斷文無數落寒汀。

鶯梭

自織春風金縷衣，穿紅度翠往來飛。柳堤暗捲綠千尺，花塢橫拋錦萬機。時見枝頭捎蝶去，不愁壁上化龍歸。羞同杼軸勞紅女，一擲遷喬願有違。

龍杖

鱗甲光搖玉一枝幽宮躍出袖中持多因掌握提携
晚休恨飛騰變化遲緩策不愁山雨濕醉橫長有野
雲隨會看掛壁風雷起莫待詩翁過葛陂

虎枕

縛取南山白額兒鼻如雷吼臥支願床頭夜嘯威長
在帳底風生醉不知探穴持鬚應有夢寢皮食肉未
為奇何如敵伏重華殿聽徹簫韶九奏時

螢燈

微熒閃閃拂暗波幾度黃昏誤舞蛾銀粟無烟棲碧

蘚玉蟲留影綴青莎秋空雨歇寒光墜晚徑風閑冷
燼多欲喚紗囊車武子為渠還賦短檠歌

雁陣

渡江秋影又南征折葦銜枚夜不驚冷聚圓沙盤地
軸曉浮寒水落天衡風馳截破湘烟澗雲擁斜銜塞
月明洲渚網羅應有伏橫空千里不留行

鶴骨笛

滿竅芝香透骨濃誰將仙蛻截星筒從教庭下梅花
落似怨山中蕙帳空三弄瑤林驚曉露一聲華表泣
秋風絕勝瘞作江邊土好奏南飛步月宮

虎頂杯

骨醉於菟一掬，春掌中白額氣如雲。南山月暈夢初醒，北海風生酒半醺。暢飲自懷班定遠，酣歌誰顧參軍醉鄉亦有封侯地。笑縮金符便策勳。

鷺羽扇

立烟睡雨白蒙茸，盡付驅炎掌握中。暑退沙頭千點雪，涼生頂上幾絲風。曾聞異物陪修靜，莫染纖塵障庾公。揮動半襟詩夢醒，誰憐拳足夢花叢。

鼠鬚筆

夜逐虛星上月宮，奮髯奪得管城公。囊中不攪吟窓

夢指下先爭翰苑功，莫笑硯池濡醉墨。絕勝倉廩飽陳紅，平生啣盡詩書字，散作龍蛇落紙中。

龍涎香

瀛島蟠龍玉唾凝，輕氛飛繞博山青。暖浮蛟窟潮聲怒，清徹驪宮蟄睡醒。碧腦貯箱收海氣，紅薇滴露洗雲腥。兩窻篝火濃薰被，夢駕蒼鱗上帝庭。

螳螂箸

蝶蛸枝上化薰風，飛掠詩翁短帽中。鬢雪冷侵霜斧落，髮雲寒壓翠裳空。為裁象齒形如在，試插蟬冠氣尚雄。開卷尋行煩一指，不須當轍怒莊公。

蟾蜍滴水

三足爬沙飲海歸案頭飛墮曉風吹慣看毛穎臨池
浴不借姮娥入月騎蓄潤鑿開扉磊落分消滴盡墨
淋漓胸中一掬息波在自有龍蛇遶筆時

螺殼酒杯

香醅浮螿入旋渦半殼蒼瓊費琢磨應愧美人盤寶
髻且供豪客捲金波尊中綠照珠光潤掌上春擎海
氣多安得滄溟俱變酒垂涎終日飲如何

蘆花被

白似揚花煖似烘纖塵難到黑甜中軟鋪香絮清無

比醉壓晴霜夜不融一枕和愁眠落月五更飛夢逐
西風誰憐宿雁汀汀冷贏得相思舊恨空

蓮葉舟

穩棹紅衣泛渺茫風帆浪擻水雲鄉曉撐太華半峯
月晚載西湖十里香藕放雪絲應作纜荷擎翠柄若
為橋不須更捧金仙足太乙真人夢正涼

玉壺冰

自似中乾滿不傾是空是色凍無聲十分瑩潔瑕疵
淨一樣光輝表裏明雲母夜藏珠暈冷水晶寒孕月
光清美人睡起銷金帳折得梅花插未成

網巾

烏紗未解滌塵煩一網清風兩鬢寒
篩影細分雲縷滑棋紋斜界雪絲乾
不須漁父燈前結且向詩翁鏡裏看
頭上任渠籠絡盡有時怒髮亦衝冠

胭脂

仙花和露搗芳塵駐得宮娥不老春
香暈紅潮生玉頰煖融絳蠟點櫻唇
涓流漲膩人應遠宮井啼斑恨愈新
鏡倚綠窻嬌夢醒素纖微蘸晚粧勻

琉璃簾

澄光搖碎一庭秋瑩碧玲瓏縹浪浮
淨練懸風晴未

落明河接地曉難收水痕半捲銀鈎冷
綉帶低垂玉縷柔纖手怯寒輕揭起不妨月影上南樓

走馬燈

飈輪擁騎駕炎精飛繞人間不夜城
風鬣追星低弄影霜蹄逐電去無聲
秦軍夜潰咸陽火吳炬宵馳赤壁兵
更憶雕鞍年少夢章臺踏碎月華明

泡燈

焰吐蘭膏映水晶澄泓不動一漚輕
天星影落水壺夜神秉光凝火齊明
碧暈浮春丹氣濕紅雲泛煖玉華清
遊魚不覺三更冷飛入琉璃井底行

雪燈

一炬燒寒照夜長，玉蟲飛入白紗囊。
水壺吞月涵秋影，海蚌懷珠吐夜光。
六出自隨飛燼落，寸輝不受積陰藏。
渾疑凍壑寒崖底，忽見東風轉太陽。

蓮燈

萬點芙蓉午夜芳，醉看疑是水雲鄉。
蘭缸照破西湖夢，火樹燒殘太液香。
焰煖應愁擎夜雨，燼寒不為倒秋霜。
元宵庭院東風曉，零落紅衣遶畫梁。

水燈

波明焰煖晚風閒，泡影飛來鏡裏看。
萬點芙蓉開碧

沼一天，星斗落水盤珠浮，赤水光猶濕火浴。
丹池夜未乾，照破魚龍波底夢，幽宮不怕五更寒。

書燈

吾伊聲裏漏初長，願借丹心吐寸光。
萬古分明看簡冊，一生照耀付文章。
芸編清逼蘭膏煖，花燼時粘竹汗香。
明日金蓮供草制，幾人風露在秋堂。

燈花

誰分春色上銀臺，小草梢頭吐燼煤。
丹萼擎烟深夜結，朱蕤噴火背陽開。
吟窓對酒分詩罷，旅館敲棋待客來。
願得東君膏澤滿，芳心一點不成灰。

餅筮
爐頭莫為熱中鳴，且作松風入耳清。火候抽添成別調，湯痕深淺變秋聲。誰知冷煖情難盡，自恨炎涼訴不平。何用絳唇吹玉管，纖黃低咽夜三更。

鐵硯

不用端溪割紫雲，鑄來壯士鐵心存。一方自出爐錘巧，百鍊原無斧鑿痕。金烝冷涵池水潤，土花腥蝕墨烟昏。堅剛千古難磨了，誰為扶桑賦曉暎。

漁蓑

翠結香莖付釣舟，一竿風雨不須愁。苔磯夜泊披寒

去，葦岸昏歸帶濕收。月冷籠衣眠舵尾，天晴隨網曬船頭。羊裘莫笑狂奴錯也，著烟波萬頃秋。

釣絲

臨流纖影衆鱗驚，消得長縲一縷輕。鈎墜亂縈春水碧，竿垂斜裊晚風清。牽回江上煙波夢，掣斷人間富貴情。我欲笑携千尺去，桃花浪裏拔鯤鯨。

雪珠

萬斛明璣滿地圓，瑤龍吞蚌入雲邊。淚含曉兩光猶濕，聲碎天風孔未穿。寒綴松腰聯玉珮，冷攢梅臉結花鈿。阿滕撒盡難收拾，為買豐年不用錢。

霜花

粲粲瑤英借露浮，日高還付水東流。剪裁應費金神巧，開落從教玉女愁。有艷淡粧宮瓦曉，無香寒壓板橋秋。五更不怕樓頭角吹到，梅花特地稠。

柳眼

媚煥窺春淺，碧浮欲開還。閉半顰羞露，垂烟縷秋波溜。兩歇風條曉，淚收上苑困。酣興廢，夢灞橋看盡。古今愁五株，彭澤回青否。應是生花雪滿頭。

荷錢

青蚨飛遶半池蓮，化作波心萬點圓。白水真人應愛

寶上清童子解留錢，買空太液繁華。夢占斷西湖富貴，天一把藕絲穿不起。五銖衣冷，碧波烟

紙鳶

孤鶩穩駕剌谿雲，多少兒童仰羨頻。半紙飛騰元在已，一絲高下豈隨人。聲馳空碧東風曉，影度遙天化日春。誰道致身無羽翼，迴看高舉絕紅塵。

雪獅

幻出後祝雪一團，玉光如焰起毫端。稜稜冰霰藏鋒銳，颯颯風霜滿肺肝。氣逼熊羆應股栗，威臨犀象亦心寒。從人錯認鹽形虎，莫向朝陽仰鼻看。

蟠梅

縈青絆碧裂蒼苔歲晏寒香宛轉來蛟螭凍雲冰骨
瘦龍眠夜月玉鱗開風霜氣勢從千折鐵石心腸亦
九迴祇為東君甘自屈不教枉占百花魁

挂蘭

江浦烟叢困草萊靈根從此謝栽培移將楚畹千年
恨付與東君一縷開湘女久無塵土夢靈均元是棟
梁村午窓試讀離騷罷却怪幽香天上来

花霧

倦紫酣紅總未醒暗薰芳淚滴無聲羅幃隱繡迷春

色綺縠籠香護曉晴薄暝枝頭留睡蝶輕陰樹底咽
啼鶯東風捲到闌干曲半濕游絲舞不成

茶煙

玉川爐畔影沉沉淡碧縈空杳隔林蚓竅聲微松火
暗鳳團香煖竹窓陰詩成禪榻風初起夢破僧房雪
未深老鶴歸遲無俗侶白雲一縷在遙岑

硯冰

裂地層陰透馬肝墨花含凍鏤毫端一泓曉色玄霜
重半夜天風墨水乾沼面煙凝星影暗潭心雲翳玉
光寒便將呵作清冷雨筆掃人間酷暑殘

游絲

搖曳春光百尺輕烟銷舞斷任縱橫暗紫芳恨應無力亂縮春愁似有情一縷綠楊風正軟半痕紅杏雨初晴莫教飛到天機上恐誤龍梭織不成

海蟄

層濤擁沫綴蝦行水母含秋孕地靈海氣凍凝紅玉脆天風寒結紫雲腥霞衣袒色水涎滑瑤縷烹香酒力醒應是楚江萍實老誤隨潮信落滄溟

江湖

靈胥怒闢島門開十萬神兵戰鼓回龍決黃河銀浪

湧鰲翻坤軸玉山摧半江飛雪橫空起千里奔雷撼地來欲駕雲帆滄海去秋風八月上蓬萊

綠陰

萬樹東風湧翠瀾遮藏芳恨料應難入簾蒼靄暮春晚滿地碧雲清晝寒柳暗池臺煙乍濕槐深門巷雨初乾階前花落無人到又染苔痕上石欄

紅樹

楓塢梨園醉曉霜纈衣零落舞金商半山留日樹無影一徑有風花不香蕭寺烟晴秋易老御溝水急恨空長詩人自愛停車晚還記清陰六月涼

醉鄉

曾笑三閭不解遊，移家欲向魏城頭。
人酣方外鴻荒夢，誰識塵中富貴愁。
夜月放船浮酒海，春風扶杖上糟丘。
相逢還似無何有，喚起東臯為贈侯。

塵

人海深藏混混中，非烟非霧遠空濛。
六街綺繡迷香紫，九陌笙歌踏軟紅。
微步緩隨羅襪起，清歌飛遠畫梁空。
南來一騎蛾眉笑，又送長安荔入宮。

仙槎

曾作河源萬里舟，塵根已斷臥蛟虯。
無心下土承煙

兩，有路層霄犯斗牛，破浪遠衝銀漢曉。
凌風徑渡碧天秋，歸來帶得支機石，誰識人間博望侯。

天燈

龍逐炎精下紫宮，夜深不肯落雲中。
光分霄漢三更黑，影亂星辰萬點紅。
玉柱倚天擎火齊，金繩繫日挂瑤空。
照開仙闕朝元路，絳節霓旌穩駕風。

醒酒石

子孫猶自問監軍，醒籍千年迹已陳。
蒼骨冷侵酣枕夢，苔痕清逼醉鄉春。
西風別墅啼山鬼，落日朱崖泣海神。
牛李相傾果何得，太湖甲乙更誰人。

無弦琴

獨繭長縲底用抽，蛇紋空鑠鳳枝。秋落星留暈，繩光
斷凍瀑無聲。練影收別鶴，那聞風外泣。孤鸞不向月
中愁，多情只有紫桑老。寂寂山高水自流。

橘杯

薺穰初碎，擘韉甌一飲何須。太白浮瓊液，曉凝滄水，
霧金波夜浸。洞庭秋寒香噴，手醒初解，霜氣浮尊。煖
未收酩酊，敲棋呼二叟，夢中同作醉鄉遊。

梅杖

紫玉槎牙，蝕蘚痕黃昏扶。醉倍精神一枝冷，曳孤山

雪七尺橫拖。庚嶺春江路，策雲香在手。谿橋挑月影
隨人歸來，却笑林和靖，還現堂中上坐身。

松釀酒

大夫何事亦鋪糟，自恨爭名燭火勞。春色未香浮螳
綠，兩聲先沸老龍骨。不須琥珀供靈藥，且作珍珠滴
小槽。傲却歲寒消，一醉涼州空自換葡萄。

雪煎茶

夜掃寒英煮綠塵，松風入鼎更清新。月團影落銀河
水，雲脚香融玉樹春。陸井有泉應近俗，陶家無酒未
為貧。詩脾奪盡豐年瑞，分付蓬萊頂上人。

煮茶聲

龍芽香煖火初紅，曲几蒲團聽未終。
瑞雪浮江喧玉浪，白雲迷洞響松聲。
蠅飛蚓竅詩懷醒，車繞羊腸醉夢空。
扣訴蒼生辛苦事，蓬萊好問玉川翁。

賣花聲

春光叫遍費千金，紫韻紅腔細細尋。
幾處又驚遊冶夢，誰家不動惜芳心。
響穿紅霧接臺曉，清逐香風巷陌深。
粧鏡美人聽未了，繡簾低揭盡簷陰。

松枝火

薜骨誰教劫火侵，欲將春意破窮陰。
鱗鬣光動紅雲

起膏液香融紫霧深，餘燼尚留霜後節。
死灰難滅歲寒心，有時焰氣隨風轉。
猶是蒼龍澗底吟。

藕花風

舞落紅衣起未休，水雲鄉裏正飈飈。
五更清逼銀塘路，六月涼生玉井秋。
颭浪低翻霞影亂，凌波輕弄錦香浮。
莫教吹醒鴛鴦夢，好送真人一葉舟。

絮花萍

點綴離人恨已多，水流雲散為消磨。
半篙晴浪星無數，兩岸東風雪幾何。
脫白定知沾化雨，取青應是謝恩波。
滿池為護蒼天影，休逐春歸繞汴河。

松化石

苔根蘚幹勢峻嶒不向山中變茯苓傲雪心頑龍蛻
骨嘯風聲斷虎留形持堅節操磨今古肯獻瑰奇列
丙丁底用區區梁棟具直須鍊補老天青

月中桂花

金粟如來幻化身嫦娥留得護冰輪枝橫大地山河
影根老骨霄雨露春長有天香飛碧落不教仙子種
紅塵折來何必吳剛斧還我凌雲第一人

水中梅影

澄澄寒碧印冰條雲母屏開見阿嬌春色一枝流不

去雪痕千點浸難消臨風倚檻雲鬢濕帶月凌波玉
佩搖最是黃昏堪畫屢橫斜清淺傍溪橋

水中雲

絮團冷蘸碧琉璃舒卷還如濕未晞蒼狗倒隨天影
落玉鸞低入鏡光飛濃遮晚浪搖秋月淡隔晴漪漾
夕暉莫怪巫山臺下雨凌波好向夢中歸

水中月

晴波浸月月波浮玉兔涼生萬頃流丹桂影沉江浦
夜白蓮光浴海天秋斂人泣罷珠還濕龍女妝殘鏡
未收應是廣寒眠不得水晶宮裏夜深遊

白蓮

三千宮額翠雲房，洗褪鉛華淺淡粧。
仙掌月明應自怨，東林夢遠為誰芳。
波澄夜靜花無影，露冷風清玉有香。
舞罷霓裳誰得似，六郎清瘦比何郎。

紅菊

錦爛重陽節到時，繁華夢裏傲霜枝。
晚香帶冷凝丹粒，秋色封寒點絳蕤。
淡映殘虹迷老圃，濃拖斜照落東籬。
靈砂換却淵明骨，倦倚西風不自知。

藕絲

絆玉纏香吐未齊，蓮房繅出蛹初肥。
纖毫何補寸心

苦幾縷空縈七竅，飛園客可能抽翠繭。
靈均難為製荷衣，年年五月無人買。
欲織鮫綃不上機。

蓴線

鮫人繡滿水仙裳，地軸天機不敢藏。
冰鮫冷纏青縷滑，翠鈿清綴玉絲香。
江河有味牽情久，京洛思歸引興長。
欲剪吳淞縫不得，謾拖秋思繞詩腸。

同根竹

競秀冰霜一種奇，駢頭曾脫錦綳兒。
西山二子情依舊，湘浦雙娥影鎮隨。
高節元非連理樹，虚心共是歲寒枝。
莫教移作仙人杖，恐化雌雄下葛陂。

並蒂蘭

碧蓋連芳並，萼擎春風江浦對。含情不妨燕姑重，占
夢應愧湘纍獨解清霜節。百年期共老國香一點為
誰爭，詩人莫比隄渠怨。幸有離騷日月明。

紅梅

梨雲無夢倚黃昏，薄倩朱鉛蝕淚痕。宿酒破寒薰玉
骨，仙丹偷煖返冰魂。茜裙影露羅衣捲，霞珮香封縞
袂溫。回首孤山斜照外，尋春誤入杏花村。

苔梅

一夜蟠龍裂翠鱗，土花深護玉精神。蒼含滿樹黃昏

月碧老孤根太古，春姑射香薰荷製好。逋仙青入草
衣新，料應不為天風冷自恐冰肌受點塵。

雪月梅

苔枝擎重半朦朧，漠漠梨雲夢不同。香護姮娥眠玉
鑑，影隨姑射下瑤宮。冰蟾光透南枝夜，翠羽聲淒古
樹風。天上人間渾一色，幾分春意有無中。

綠萼梅

萼綠仙人下玉堂，清魂夜化雪芬芳。荷衣薄觀霓裳
冷，蘭珮濃薰縞袂香。曉額浮酥凝淺黛，春容點翠照
新粧。多因誤入羅浮夢，愁絕黃昏鬢已蒼。

梅魂

枝南枝北路迢遙飛入孤山夜寂寥水月浮香應自
返谿風弄影為誰招縞衣夢裡和愁斷玉簫聲中逐
恨消似欠靈均歌楚些連仙墳冷草蕭蕭

梅夢

芳魂和睡倚南枝羞比梨花蝶未知暖入羅浮春困
早香迷姑射曉星遲不愁夜月清衣濕應怕江天盡
角吹一點調羹心事在宵衣枕上覺多時

松梅

挺秀凝香一樣清何妨同結歲寒盟風霜正共孤高

枕雪月相看太古情翠袖不禁水骨冷蒼顏還照玉
肌明孤根雅操千年節未許繁華老此生

月下梅

月到梅花分外明暗香孤影鬪雙清吟隨野鶴依瓊
樹臥聽飛鸞載玉笙酒醉不知霜滿屋書聲常共漏
三更此中意味無人識謾說仙家白玉京

挑梅

去年人面映紗窗今日酸心傍石缸白雪紅霞俱第
一暖蜂寒蝶不成雙神臣歲晚希調鼎姑射年深擬
渡江獨立黃昏人似玉劉郎重見亦心降

問梅

尋春踏雪過西湖，試叩風前玉一株。
香影為誰甘寂寞，精神何獨占清癯。
鐘殘角斷愁多少，月落參橫夢有無。
吟遠南枝，渾不應好，將心事喚林逋。

挑梅

折取孤山玉雪花，杖藜高挂踏烟霞。
負他白鶴看仙塚，帶爾青蚨到酒家。
有脚陽春詞可證，無言姑射貌堪誇。
相携相伴歸時晚，添箇隨人月一牙。

龍形松

天矯擎雲海上來，蜿蜒虬骨老莓苔。
紫髯夜濕千山

兩鐵甲春生萬壑，雷影動欲翻干陸。
起聲虬如捲怒潮，回蜷枝冷挂巖前。
月猶是擎珠照九垓。

鴛鴦梅

兩兩魁春簇錦機，文衾夢覺月分輝。
枝頭交頸棲香暖，花底同心結子肥。
金殿鏤烟粧粉額，玉堂環水浴紅衣。
有情一種隨流去，莫被風飄各自飛。

鴛鴦菊

秋入金塘脫錦裳，芳心並倚紫紗囊。
韓憑枕上情難了，陶令門前夢更长。
深院霜清宮瓦冷，東籬月落繡衾涼。
誰知連理枝頭恨，還有西風晚節香。

半日間

閒處光陰未有涯，偶然一餉到山家。坐看雲起畫亭
午靜聽泉流，日未斜槐影正圓。初破睡竹陰微轉，罷
分茶也勝忙裏風波客。十二時中老髻華。

曉色

遠似烟霏近又空，非明非夜兩朦朧。一天清露洗難
退幾林曙雲遮不窮。斷角樓臺濃淡裏，殘燈院落自
無中。蒼茫半逐雞聲散，又被朝陽染作紅。

水紋

新綠粼粼漾淺漪，織成春色上苔衣。一池碧暈雨初

落千疊翠鱗，風更微。淨穀光搖湘女鏡，輕羅影動水
仙機。何如袖取并刀去，快剪吳淞半幅歸。

竹夫人

胸次玲瓏粉黛羞，宵征何必抱衾裯。應無雲雨三更
夢，自有冰霜六月秋。畫節每曾陳諷刺，虛心那解老
溫柔。專房不怕蛾眉妬，只恐西風動別愁。

白雁

翅老西風絕點瑕，秋江難認宿蘆花。雲邊字缺銀鈎
斷，月下箏閒玉柱斜。影亂飛鷗回遠浦，陣迷宿鷺落
平沙。聲聲叫起蘇郎恨，為帶吳霜染鬢華。

沙書

玄沙一握舞蛟蚪，草聖何須墨染頭。烏過篆文歸鐵
畫，蠅行清響落銀鈎。竹間日射文星粲，紙上風驚字
迹收。大手莫將成未藝，論功寧媿管城侯。

增燈

拔地燒空寶炬長，燭龍挂影照穹蒼。七層火樹雲生
煖，九曲神珠夜吐光。霞點彤幢歸淨界，星隨絳節下
西方。如來應到天壇上，萬斛金蓮繞步香。

雙陸

彩霞清響押盤飛，曾記唐官為賜緋。影入空梁殘月

在，聲隨征馬落星稀。重門揆險應輸擲，數點爭雄莫
露機。惟恨懷英誇敵手，御前奪取翠裘歸。

浴室

香泉湧出半池溫，難洗人間萬古塵。混沌殼中天不
曉，淋漓氣底夜長春。波濤鼓怒喧風雨，雲霧垂陰護
鬼神。却笑相逢裸形國，不知誰是浴沂人。

--	--	--	--	--	--	--	--	--	--

1 2 3 4 5 6 7 8 9 10

